

# mainatges d'òc **PLUMALHON**

N° 101

Viatge  
amb Airbus



ISSN 1264-6733 (5,70 €)



Los Minons e La  
sèrp-volaira

**Preservar la**  
selva dels  
tropics





# Selvas

## tropicalas

**L**a selva tropicala e equatoriala es rica mas es fragila tanben. Pr'amor d'aquò, l'utilizacion de la fusta tropicala es mai contrarotlada ara.



**P**endent d'annadas an copat d'arbres en Africa, en America, en Asia e en Oceania sens se preocupar de las consequéncias. De fusta exotica, n'utilizam fòrça en Euròpa. Ne fasèm de mòbles, de menusariá e d'autres produches de construccion. Podèm citar lo tèc, l'acajó, l'ebèn, lo palissandre, l'ocomé...

Los estajants dels païses ont venon aqueles arbres prenon consciéncia que seriá perilhós d'exploitar tròp las selvas sens tornar plantar. L'exploitacion es reglamentada. Solament i a de

braconièrs de la fusta, de monde que copan los arbres sens permís. Quand cromptam de fusta exotica, nos cal agachar que i aja lo labèl que garantís l'origina e que la forèst d'ont ven es gerida de faïçon ecologica e durabla. Es un mejan d'ajudar las poblacions qu'an besonh de la venda de la fusta per viure mas que la vòlon pas desperdiciar. E puèi en çò nòstre tanben i a de bona fusta. Es pas totjorn necessari d'anar cercar luènh, çò qu'avèm al ras.







La desaparicion de las selvas tropicalas met en perilh la vida d'animals qu'an besonh d'aquel mitan. De plantas utilas per far de medicaments riscal tanben de desaparéisser.

Per que la forèst desapareisca pas, cal a tot pèdre tornar plantar quand se copa d'arbres. Ne cal pas copar gaires : dos o tres a l'ectara es pro. Après, cal daissar passar d'annadas abans d'i tornar.

Atal fan dins aquel parçan de la selva gabonesa. I copan d'ocomés per far lo contraplacat.

Un còps sortits de la forèst, los troncs son transportats en camion o los fan flotar sul fluvi. Es pus economic.

L'ocomé es un arbre qu'es pas utilizat per far de pòstes. Es retalhat coma un tapis e enrotlat coma una moqueta. Quand es umide demòra sople. Per ne far de fusta solida e sople a l'encòp, se pega de placas las unas sus las autras en crosant las sisas segon lo sens de las fibras. Passan l'ensemble al forn a 100°C e dins una premsa.



Segon qu'òm vòl de contraplacat mai o mens espès, i se met un nombre mai o mens grand de sisas.

